

Fouxdklongj Bouxcuengh

□ Godoq comz hoiz

▲ Cien boux dwklongj ciengzmienh hung dangqamaz.

Dwklongj, hix heuhguh cuk-longj, dajlongj. Fouxdklongj dwg cungj foux ndawbiengz cojcienz ndeu, hix dwg cungj foux Boux-cuengh ceiq gaeuqgeq ndeu, daengz seizneix gaenq miz 1400 bi lizsij. Fouxdklongj Bouxcuengh cienzlah youq ranghdieg baihsaenamz Guengjsae, lumj Denhdwngj, Bingzgoj, Denzyangz, Bwzswz, Dasinh daengj dieg, daegbied youq Denhdwngj Yen cienz ndaej ceiq hoengh ceiq ndei. Denhdwngj gij fouxdklongj Bouxcuengh cienzlah youq rangh-dieg Sangyingj Yangh, Denhdwngj Cin, Lungzmingz Cin, Yangh-duh Cin, Fuzsinh Yangh daengj doenghij yanghcin neix.

Gij doenghyienh aeu daeuj diuq fouxdklongj haenx dwg aenlongj caeuq faexcuk. Aenlongj dwg cungj doxgaiq gaeuqgeq aeu faex guh haenx, aeu daeuj

duetnaed, cuk haeux, cuk ceiz. Faexcuk couhdwg gaiq hongdawz aeu daeuj dwklongj, raez mij ndeu baedauq.

Fouxdklongj Bouxcuengh youq duenh hainduj haenx dwg youq seizhoengq diuq, daengz-laeng menhmenh hwngfat baenz youq seiz gvaqciety lumj gvaqcieng caeuq guhlaeuj couxbawx haqlwg, banh saeh hai ranzcai daengj hix diuq. Youq duenh hainduj youq ndaw naz gyauej reih diuq, daengzlaeng hwngfat baenz youq henz mbanj henz ranz caeuq naj miuh diuq. Vunz Bouxcuengh dangdieg gyaezmaij fouxdklongj Bouxcuengh haujlai nanz lo.

Fouxdklongj Bouxcuengh ningdoengh rengzhaenq, sing hung sing gok, yiengh roq haujlai. Bouxfox miz 4 daengz 12 boux; diuqfoux seizhaenx bouxfox song

fwngz gaem faexcuk, aeu faexcuk roq ndaw longj, daej longj caeuq henz longj, gij fap dwk miz “rag dwk” “cung dwk” “diemj dwk” “yaep dwk” caeuq “doiq dwk” daengj, bouxyawj ndaej ciuq gij hwnjroengz singcuk daeuj diuq-foux caeuq ciengq go.

Bi 2010, fouxdklongj Boux-cuengh ginggvaq Gvangjsih Boux-cuengh Swcigih Yinzminz Cwngfuj doengzeiq, ndaej lied haeuj daihsam buek swcigih gaep feihvuzciz vwnzva yizcanj mingzloeg.

Seizneix, aenvih fouxdklongj Bouxcuengh miz gij daegdiemj minzcuz gagdog noengzna dangqamaz, yied daeuj yied lai vunz gyaezmaij cungj foux neix, neix mboujdan youq ndaw gih raeuz yingyangj gvangqlangh, youq ranghdieg Dunghnanzya hix yingyangj haemq gvangq.



▲ Roq longj yiengj “dungdung”.



▲ Vunzgeq Bouxcuengh dwklongj mbouj ca bouxcoz saekdi.



▲ Fouxdklongj Bouxcuengh ndaej hwnj daijheiq Yanghsi.



▲ Boq loxlez cingj boux-dwklongj.



▲ Bouxyienj cang ndei caezcienz lo.



▲ Mbwk sai laux iq doengzcaez dwk.



▲ Yiengh fouxdklongj youh moq youh ndeiawj.